

Шочмо эл, порылык да чын верч!

Будь готов!

26-шо (3622) №,
2023 ий 30 июнь,
кугарня.

Имде лий



0+

1933 ий 1 февраль годсек лектеш.

Сеңымаш дене ончыко!



Тений Марий Элыште 11-ше классым 2785 выпускник тунем пытарен. Нунын кокла гыч 300 тунемше – медаль дене.

Шукерте огыл выпускник-влак илыш книганы эше ик лаштыкшым савыралыч да школ пагыт дене чеверласышт. Ты ужаш эн весела, эн онгай лийын гынат, иктешлымашым ыштен, книга вес лаштыкшым шергалаш жап толын шуын. У вашталтышлан куанен, ончыко ошкылман, профессиным ойырен, тунемаш пурыман.

Эртыше кечылаште Йошкар-Оласе Сеңымашын XXX идалыкше лүмеш тувыра пола-

тыште медалист-влакын балышт эртаралтын. Йошкар-Оласе түрлө школым тунем пытарыше 126 ұдыр-рвезылан «За особые успехи в учении» медальым кучыктеныт. Т.Александрова лүмеш 11-ше номеран ден Бауман лицейлаште 15 медалист гыч лийын. Снимкыште 21-ше номеран Семёновка школ гыч Анна Лисовам, Анастасия Бабинам, Мирослав Актугановым, 29-ше номеран школ гыч Ксения Лобановам ужда.

– Таче – мемнан моткоч куанле кече. Тунеммаште ойыртемалтмылан медальым налме марте ме кужу да төрсыр корным эртенна. Сеңымаш-влак лийыныт, кумылнат волен, туге гынат, кажне кечын пенгыдемьин, шоньмашкына шуынна. Ёдыр-рвезе-влаклан шкалан ұианаши, чолга, поро лияши да сеңымаш дене ончыко каяши тыланена, – ойлат ұдыр-рвезе-влак.

Е.ИВАНОВА.

Авторын фотожо.



Подписке

Тау чылалан

2023 ийын кокымшо пелий-жылан газет ден журнал-влаклан подпискым ыштыме тун жап мучашке лишеме. «Ямде лий» марла йоча газетлан возалтше-шамычлан кугу таум ойлена. Ушештарена: подписке тургым мучашлалтын гынат, «Ямде лий» газетлан кажне тылзын 15-ше числа марте верысе почто отделенийште возалташ лишеш. Тыгак редакций гоч подпискым ышташ йон уло.

Удыр-рвезе-влак «Ямде лий» газетым лудын кушкышт, юнкор паша дене палыме лийтат манын, кугыен-шамыч польш кидым шуялташ вашкат: нунылан подпискым ыштен пуат. Теве «Передовик» ялозанлык артельым вуйлатыше, Марий Эл Республикын Кугыжаныш Погынжын депутатше Ю.А.Игнатъев (**снимкыште**) Морко районсо



А.ТИТОВЫН ФОТОЖО.

Кумыжъял (10 экземпляр), Кужер (5 экземпляр), Шенше (5 экземпляр) школлаште тунемше-влаклан «Ямде лий» газетлан подпискым ыштен.

Кумылан кажне ет тыгай поро пашашке ушнен кертеш. Йоча – мемнан ончыкылыкна!
Л.ГРИГОРЬЕВА.



Ме, «Ямде лий» газет редакцийын пашаенже-влак, «Геройын ешыжлан» – «Ямде лий» акцияшкыште ушненна. Волжский район Пётъял школышто тунемше-влак Захар Васильевлан, Анастасия ден Арсентий Андреевмытлан, Ксения Корниловалан (**снимкыште**) «Ямде лий» газетлан подпискым ыштенна. Нунын ачашт, изашт Украиньште эртаралтше спецоперацийыште улыт.

Историйым шергалына

29 июнь – Кугу Ачамланде сарыште фашист-шамыч ваштареш кредалше партизан ден подпольщик-влакым шарныме кече.

1944 ий 3 июльышто Кугу Ачамланде сар годым совет войска Минским фашист тижка деч пүтынек утарен.

Ик тошкалтышлан – кўшкё

18-21 июньышто «Марий юнкор» усталык школышто лияш пиал шыргыжалын. Ныл кече пайдале да лектышан лийын. Ме журналистикын түрлө жанрже дене палыме лийынна, почеламутым возаш тунемынна, кумдан палыме поэт, писатель, артист-шамыч дене вашлийынна. Нунын дене вашлиймаш да тетрадьыш шындыме кидпалышт ўмыреш шарнаш кодыт. Мыйын шонымаште, «Марий юнкор» усталык школ моткоч кўлешан. Тыште шинчымашым пойдараш, у йолташым муаш лишеш. Мый гын утларак возаш кумылангым. Эше ик тошкалтышлан кўшкё кўзымемла чучеш. «Ямде лий» газет редакцийыште пашам ыштыше-влаклан кугу таум ойлем.

Юлия ЯГОДАРОВА.

Советский, Кельмаксола.

Российысе увер

2-6 августышто Мордовийыште «Гардемарины-2023» всероссийский театральный фестиваль эртаралтеш. Тушто Нахимовский военно-морской училищыште, кадет классыште тунемше ўдыр-рвезе-влак мастарлыкыштым терген кертыт. Ушнаш йодмашым samsonovatatyan@yandex.ru адрес дене электрон почтыш **20 июль марте** колтыман.

Поэзийым йоратыше, 14 ияш але тылеч кугурак ийтотан улыда? Тугеже «Видеостихия» тўнямбал видеопозий конкурс – тыланде. Келшыше тангасым ойырыза, почеламутым сылнын лудмыдам видеош войзыза да videostihija@yandex.ru адрес дене электрон почтыш **9 октябрь марте** колтыза.

«Традиционная одежда как отражение родной культуры» всероссийский фотоконкурсш йоча да самырык-влакым ушнаш ўжыт. Шочмо калыкын вургемжым чиен, моторын войзалтын, фотом **2 июль марте** колтыман. Тўрыс уверым vsekonkursy.ru сайтыште ончыман.

Марий Элысе увер

Саранск олаште «Локобол – 2023 – РЖД» тўнямбал фестиваль эртаралтын. Йошкар-Оласе олимпийский резерв школын футбол командыже кумшо верыш лектын. **Савелий Щербаков** эн тале модшо семын палемдалтын.

Яльчик ер воктене **спорт ориентирований дене** Юл кундем федерал округын чемпионатше да первенствыже эртаралтыт. Тушко түрлө регион гыч **9-18 ияш 500** угла спортсмен погынен.

15 июльышто У Торъял посёлкышто «Творцы и хранители» VI регион-влак кокласе фестиваль эртаралтеш. Пайремышке еш, родотукым фольклор ансамбль-влак ушнат. Фестиваль **10 шагатлан** тўналеш.

«Артекыште» каненам

«Артек» тўнямбал йоча рўдериште канаш да шинчымашым налаш эре шоненам. Тушко кажне икшыве ок логал, тидлан кыртмен тунеман, тўрлў конкурсышто сенгышыш лекман манын, авам раш умылтарен. Мый сенгымашке кажне кечын гаяк лўдде ошкылынам. Шонымашем шукталтын. Шукерте огыл «Кипарисный» йоча лагерь гыч пўртылынам (снимкыште). Ме ийгот дене эн изи лийынна гынат, чолгалыкнам чыла вере ончыктенна. «Юнги» отрядыштына вожатый-влак пеш поро кумылан, умылышо лийыныт. Тўрлў вере экскурсий дене коштынна. Севастополь олашке, Аю-Даг да Куш-Кая курыклашке, «Суук-Су» полатышке миенна. Семафор азбуко дене палыме лийынна, тегыз пышкемым кылдаш тунемынна. Шуко мероприятий ден конкурсышто мастарлыкнам ончыктенна. «Тегыз



Фотом еш архив гыч налме.

кредалмаште» сенгышыш лектынна. Мыланна диплом ден медальым кучыктеныт.

«Артек» – ик эн мотор да чапле рўдер. Ты верыште лияш да сылнылыкшым шке ужаш – кугу пиал. Йолташ-влак, пўжвўдым йоктарен тыршеда гын, теат тушко логалын кертыда. Шарныза: шонымаш шукталтеш.

Полина АЛЕКСЕЕВА.
Морко, Коркатово.

Чапле пўлек

Эгерсола ялыште илыше ўдыр-рвезе-влак Йочам аралыме тўнямбал кечым ятыр жап шарнаш тўналыт. Тиде кечын ялыште «Кече» йоча модыш площадкым почыныт. Тыгайже мемнан нигунам лийын огыл. Тўрлў тўсан лўнгалтыш, модмо комплекс да молат йоча-влакым куандарат. Тушто ынде кас пычкемыш марте икшыве-шамыч юарлат, йўк-йўанышт торашке шергылтеш. Кенез канышым чот веселан эртарат. Тыгай чапле пўлеклан кугыен-шамычлан таумутым ойлена.

Ксения БУТЕНИНА.

Морко район.

Марий Эл Республикым Вуйлатыше Ю.В.Зайцев тўрлў предмет дене всероссийский олимпиадын йыжынлаштыже кўкшў лектышым ончыктышо тунемше-влакым да нунын наставникыштым саламлен. Марий Эл Республикын Правительствыжын грантшым налынтыт:

- ✓ всероссийский олимпиадын пытартыш йыжынжын 6 призёржо 25 тўжем тенте дене;
- ✓ республикысе йыжынгыште 52 сенгыше 10 тўжем тенте дене;
- ✓ Юл кундем федерал округын интеллектуальный олимпиадыштыже 4 сенгыше 15 тўжем тенте дене.

Политехнический лицей-интернатыште биологийым туныктышо С.Н.Алябышева ден Т.В.Иштрикова лўмеш «Канде кайык» гимназийыште историй ден обществознанийым туныктышо К.И.Ушакова «Эн сай туныктышо-наставник – 2023» лўм дене палемдалтыныт. Нунын лу утла тунемшышт республикысе йыжынгыште сенгыше да призёр лийыныт.

Марий Эл Республикысе Образований да науко министерствын уверже почеш.

Тунеммаште веле — вий. Айдеме шке вийжым кольыштараш ок тырше гын, кеч-могай «самородок» лиеш гынат, кугу корныш лектын ок шу.

М.ШКЕТАН.

Герой деке унала

У Торъял район Овалже ялыште кумдан палыме шуко ег шочын-кушкын. Иктыже – Совет Ушем Герой М.В.Лебедев. Ме, Кузнеч школ пеленысе «Романтик» лагерьыш коштышо ўдыр-рвезе-влак, Геройын лўмжым нумалше Немда школыш миенна (снимкыште). М.В.Лебедевын тукум шўжарже Э.А.Домрачева мемнам порын вашлийын. Герой лўмеш тоштерыште экскурсийым эртарен. Моторын сўрастарыме пўлемыште шуко экспонат, шергакан материал улыт. Ме Михаил Васильевичын школ пагытше, илыш корныжо нерген пален налынна. Стендыште улшо карт-влак почеш фронт корныжым онченна, серышыжым лудынна, тунемме табельжым ужынна. Герой мыланна эше лишылдрак лийын. Ме тудын дене кугешнена. Немда школышто поян тоштерым чумырышо-влаклан кугу таум ойлена.

Вероника МАМАЕВА.

У Торъял район.



Фотом школ архив гыч налме.



Юрино посёлкы-со «Родничок» **Акций**

школ лесничествыш коштшо ўдыр-рвезе-влак «Зелёная Россия» всероссийский экологий субботникыш ушненыт. Экоактивист-шамыч Юрино лесничествыш пурышо 149-ше кумдыкышто, Юл энер сер воктене, куштырам погеныт.

– Тыгай акций ўдыр-рвезе-шамычым пўртўсым йўраташ, тудым аралаш тунькта. Мемнан сомыл – пўртўсышто арулыкым кучаш. Ты пашашке йоча-влакым кумыландаш, – ойла «Вереск» ООО-н чодыра мастерже Д.В.Зотин.

Олыкысо орхидей

Йоча-влак, мўнгыштыда орхидей кўршўк пеледыш уло, очыни. А олыкысо орхидей нерген колында? Пальчатокоренник мясокрасный маналтеш. Ты пеледышым Волжский район Ярамарий ял воктенысе олыкышто ужына (**снимкыште**). Тудо вўдыжгырак верыште, ер серыште кушкеш. Ожно ты верыште кўтў коштын, шудым соленыт, садлан пеледыш кушкын кертын огыл. Кызыт олыкышто шып, садлан пальчатокоренник ракатланен пеледеш. Авам дене, тынар шуко кушкылым ужмеке, моткоч ўрына. Эсогыл шотленна. Изирак кумдыкышто – 835 кушкыл. Пеледышын кўкшытшымат висенна. Эн кўкшў 61 сантиметран лийын. Пеледышлыкше кугу огыл, но мотор. Садлан шукш-копшанге ден ег-влак тудым тора гычак ужын кертыт.




Фотом еш архив гыч налме.

Тендан йодышда уло, очыни. Молан тыге маналтеш? Паренгыже парням ушештара. Тўсшў свежа шыл гай. Пальчатокоренникын чотшо пошкудо кундемлаште иземеш. Мутлан, Татарстаныште тудым Йошкар книгашке пуртымо. Садлан ме, йоча-влак, кеч-могай кушкылым изинек аралаш тунемшаш улына.

Давид ТИМОФЕЕВ.

Волжск, 2-шо номеран школ.



Кайык ден янлык-влакым марий йылмыш кусарыза.

- 1.Цапля. 2.Рябчик. 3.Лось.
- 4.Бурундук. 5.Рысь. 6.Сова.

Дима

КРАСНОСЛАБОДЦЕВ.

Медведево, Руэм.

Шоналтена


– Авай, мый таче шуко тўрлў кайыкым ужынам, – манеш Эчук.

– Каласе, могай кайыкым? – йоддеш аваже.

– Кок кўгўрченым, кум шырчыкым, кок лывым, вич пўрткайыкым, кум чанам, ик шудышырчыкым, ик шогертеным, кок ошымшўлышым – чылаже кандаш тўрлў кайыкым ужынам.

– Эргым, тый вет изиш йонгылыш лият, – манеш аваже.

Эчук могай йонгылышым ыштен? Тудо чылаже мынар тўрлў кайыкым ужын?



Келшыше тумышым муза.



Вўдын кечыже



Фотом школ архив гыч налме.

Школышто кажне ийын Вўдын кечыжым палемдена. Йоча, туньктышо-влак, рўж лектын, Кораксола ял покшелне верланыше Раман пўя йыр арулыкым эскерена (**снимкыште**). Тидланже мемнам кугурак вожатый Е.В.Григорьева кумыланда. Ме пашанам писын мучашлышна. Ял калык, тыгак уна-влак умылат да вўд воктене шўкшакым огыт кышке. Раман пўя пеш мотор. Тушто колжат шуко.

Дмитрий ЕГОРОВ.

Морко, Шўргыял.

Икоян Ирсай

Башкортостан Республикасы Мишкан район Ирсай школышто мари, руш да татар калык-влакын йочашт икте-весе дене келшен, вашла польшкален тунемыт. Школым А.А.Назмиев вуйлата. Йоча-шамыч мари йылмым шочмо йылме семын тунемыт, тыгак кугыжаныш йылме семын эше — башкир йылмым. Мари йылме ден литературым Я.В.Саликаева туныкта.



Шочмо ял

Эх, шочмо ял! Тый шочмо ава гаяк икте веле улат. Шке шочшет-влакым пагален вашлият. Мыйын шочмо ялем — Кадрек. Тудо шуко уреман. Ик уремже кум менге кутышан. Тушто мынар пӧрт? Шӧдӧ деч шуко. Кадрек ялын калыкше поро кумылан, икте-весым пагалыше. Тыште мыйын шуко йолташем ила. Ме пырля модына, вӧд воктене йӧштылына. Вашке ялыштына у клубым, лудмыверым чонат. Ял йыр чодыра гӧжлен шога. Тушто шуко янлык ила. Чодыра емыж-саскалан, понгылан поян.

Толза мемнан ялыш унала. Тыште кажне унам куанен вашлийына.

Катя ИШМАНОВА.
Татарстан, Агрыз, Кадрек.

*О шочмо ялем,
шӧм шепка чеверем!*
А.ТИМИРКАЕВ.



Н.ЛАВРЕНТЬЕВАН фотожо.

Тунемше-влак шочмо кундемысе тӧв ы р а ш т ы м , йӧлаштым пален да аклен кушкыт, шочмо йылмыштым кумылын тунемыт. Тӧрлӧ пайрем ден конкурсышко ушнат. Жапым муын, Мари Эл Республикасы иктагаш ӧдыр-рвезе-влакын илышышт дене палыме лийыт. Тидлан «Ямде лий» ден «Кугарня» газет-влакым кучылтыт. *«Карина Айкашева, Марьяна Николаева, Андрей Назмиев, Алиса Салиева эн ӧшанле польшкалышем улыт, —* иктешла Я.В.Саликаева. *— Нуно тунеммаштат, мер илышыштат ончылно каят. Нуным ончен, моло йоча-влакат кумылашымт».*

Л.ГРИГОРЬЕВА.

Снимкыште: Ирсай школышто вашлиймаш годым.

— Школна Ирсай ялын шочшыжо, мари композитор А.И.Искандаровын лӧмжым нумалеш. 2011 ийыште Ирсай ялсовет администраций ончылно тудлан бюстым почмо. Школ тоштерыште Алексей Искандаровичлан кугу верым ойырымо, — оила Янина Вячеславовна. — Музейым вуйлатыше, тыгак физикым, математикым туныктышо Ю.Г.Кутлукаев шочмо кундемна, верысе калык, пагалыме еҥ-влак нерген поян материалым темла.

Сай туныктышем

Мыйын туныктышо сая,
— «Визытан» —
вашмутлан, — мане.
Шотлена да лудына,
Марина Семёновна
тауштена.

Спорт ден кылым кучена,
Экскурсийышкат коштына.
Школыш писын куржына,
Туныктышылан
шыргыжалына.

Диана СЕМЁНОВА.

Татарстан, Агрыз, Буймо.

М Кочкыш — шӧр.
Кочышпод — пагар.

Мутерым филологий шанче кандидат А.А.ИЛИЕВА ямдылаш полшен.

Уялын чолга ӧдыржӧ

Татарстан Республик Кукмара районысо Уял школышто мари шӧлышан ӧдыр-рвезе-влак тунемыт. Чолга икшыवेशамыч кокла гыч иктыже — 9-ше классым тунем пытарыше Яна Ишимова (**снимкыште — туныктышыж дене пырля**).

Яна ӧмаште мари йылме да литератур дене республикысе олимпиадыште уш-акылжым терген, сеныше-влак радамыш лектын. Шымлыме пашам эртарат. «Нет забытых деревень» проектыште шочмо районысо ялла нерген кумдан палдарен. «Сопоставление мари и татарских слов» проектыште мари да татар шомак-влакым тагастарен, ойыртем ден икгайлыкым кычалын. «Народные праздни-



Фотом школ архив гыч налме.

ки мари Кукморского района» пашам серен. Чыла вереат сай лектыш дене куандарен. Нине сенымашыже-влаклан ӧдыр мари йылмым да литературым туныктышо И.В.Родыгиналан таушта.

Х.АЛЕКСАНДРОВА.



Коля ден Пырыс

Ик суртышто Коля ден Пырыс пеш келшен иленыт. Уремыште түрлө модыш дене пырля модыныт, кочкышымат пайленыт. Икте-весыштым араленыт да моткоч пагаленыт. Икана модмышт годым Пырыс йолташыжын почшым йонгылыш пурлын. Тидлан Коля чот сырен да пёртйымак шылын шинчын. Пырыс титакшым умылен да сөрвален йодын: «Мый йонгылыш пурлынам. Нелеш ит нал, йолташем. Мый тыланет тебе сырым конденам». Но Коля рожым күнчен да тушко пурен шинчын. Кочкаш йүдым веле лектын. Тылеч вара нуно икте-весыштым нигунам ужын огытыл.

Ксения КОРНИЛОВА.
Волжский, Пётъял.

Коча-ковалан – янлык пёрт

Тора ялыште регенчалташ тўналше ик пёртышто Миклай коча ден Оксина кова иленыт. Суртыштым Пикш пий оролен. Икана моткоч тале мардеж тарванен да пёртге, кочаге-коваге, пийге торашке-торашке пуэн нангаен. Тыге нуно чодырашке «чонештеныт».

Волен шичмеке, пёртышт сўмырлен. Пикшышт йоршыны омын. Миклай ден Оксина ойгыреныт, шортыныт. Вара илашышт верым кычалын каеныт.

Ошкеден-ошкеден, Маскам вашлийыныт:

– Родем-влак, кушко каеда? – йодын Торешчапа.

– Илашна пёрт күлеш. Шкенам оралтына сўмырлен. Ала тый полшен кертат? Ала тыйын яра пёртет уло? – коча сөрвален.

– Яра пёртем уке. Мый декаем илаш пурыза. Вер сита. Ваш-ваш полшена, икте-весаылан энертена, –

темлен Маска.

– Келшена, – йывырте-ныт Миклай ден Оксина.

– Те мыланем пакчасаскам ончен кушташ полшеда?

– Полшена, полшена.

– А ме тыланда янлык-влак дене пырля у пёртым чонен пуэна. Келшеда?

– Келшена, келшена! Пеш

келшена, – куан шинчавўд дене вашештеныт коча ден кова.

Миклай ден Оксина Маскан йыранлажым шўкшудо деч сомыленыт, пушкыдемденыт, кажне кечын вўдым шавеныт. Лёза

деч лёза пакчасаскам ончен куштеныт. А Маска сёрымыжым шуктен. Пире, Рывыж, Мерам, Коля да воктен верланыше пўя гыч Ужава чапле пу пёртым чонен шогалтеныт. Ик кечын Пикш кудал толын. Коча ден кова, Пикш эше ятыр-ятыр ий янлык-влак дене келшен да вашла полшен иленыт.

Костя ШЕХУРДИН.
Шернур, Кукнур.

«Ш» буква дене

Шиште ден Шемгорак

Шым шагат. Шиште шолышто шинча, Шемгораклан шукертсек шыдешка.

Шемгоракше, Шиштын шижын шуктыде, шўлым шылтен. Шиште шужен, шылт-шолт шокта шолетат. Шиштын шужымыжым шижеш. Шемгорак Шумат шолын шындыме шемшоптырыштыжо шылын шинча, шўльё шурныжым шеклана. «Шиштылан – шиш!» – шоналта. Шўлыжым шудыш шўдырале. Шиште шкет шуанвондыш шинче. Шуматкече шуо. «Шайтан, шонгеммешкыже шинча», – Шемгорак шона, шўмжө шолеш.

Шумат шольо Шариклан шурно шултышым шуыш.

Шиштын шўмжө шижын шуктыш: шултышым шолыштын, шулдыржым шаралтен, школ шенгелысе шопкерыш шуо. Шемгорак шўлалтыш. Шўлым Шемгорак, Шўшпык шольо шолып шулыктарышт. Шиштым шоналтен шыргыжалыч.

«Русская словесность» кружокын енге-влак.
Волжский, Сотнур.



**Шомак-влакым кучылтын,
сўрет почеш йомакым шоныза.**

Мо! Пушенте, укш, пыжаш, лышташ, койко, кўпчык, одеял, матрас, кава, шўдыр, маска, кайык.

Мом ышта! Возеш, чонешта, мален колта, мала.

Могай! Шокшо, мамык гай, яндар, шып, ужарге, шўдыран, түрлө тўсан, полдыштарыме.



Кол кучымаште

Мый кол кучаш эн чот йоратем. Тиде пашалан ачам кумыланден: колым энгыраш кайымыж годым эре пеленже налын. Түрлө кангашым пуэн. Кол вет пеш чоя. Кажне түрлө колын шке секретше уло. Кызыт кол кучаш шкетын коштам. Мыланем каракам кучаш келша. Южгунам кол үмбакем туге ончалеш, пуйто вүдыш колташ сөрвален йодеш. Тыгай годым ом чыте, колым колтем.

Костя КРЫЛОВ.

Морко, Коркатово.

Калык пале

- ➔ Чодыра үмбалне тўтыра шога – понго лектеш.
- ➔ Кўдырчан йўр деч вара понго сайын шочеш.

Мўшкыр –



, **йылме** –



Калыкмурым палыза.



Даниил РЕПИНЫН
сўретше.
Советский, Ўрша.

Палаш онгай

Коал-влак Австралийште илат. Вес семын нуным «сумкан маска» маньт. Кугу коалшамыч 4 гыч 15 килограмм марте лийыт, а нуно 6 грамман веле шочыт. Тиде янлык йўдым чулым. Суткаште 18 шагат наре мален кертеш.




Мари́й Эл Республикым Вуйлатыше Ю.В.Зайцевын темлымыж почеш Йошкар-Олаште «Мари́й кенеж» проект кокымшо ий эртаралтеш. Рўдолаште илыше ден уна-влакклан фестиваль кышкарыште каныш кечылаште түрлө площадкыште онгай мероприятий-влак эртаралтыт.


Түрлө сынан мастер-класс, концерт, йоча модыш, спорт эстафете, кава йымалне фильм-влакым ончымаш да тулеч молат. Тыште кажныже чонжылан келшыше пашам муэш!

Снимкыште: Республикысе курчак театрын «Мультфильмысе герой-влакын элыште» йоча программыже.

Н.ТОКТАРОВА.



Числа-влакым ончен, сўретым келшыше чия дене чиялтыза.



«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://t.me/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влакклан)
Сайтын адресше: yamdelii.rf

УЧРЕДИТЕЛЬ:
Мари́й Эл Республикысе
Култур, печать да
калык-влакын пашашт
шотышто министерстве.

Газетым редакцийште
погымо да версталыме,
«Мари́й Эл Республикысе
Правительствын типографийже» ООО-што ямде
оригинал-макет гыч савыктыме. Типографийын
адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № Ту52-01335,
2021 ий 29 сентябрьште пуымо.

0+
Печатьш пуымо жап –
14-00,
фактически – 13-00

Авторын да редакцийын шонымашышт түрлө лийын кертыт. Серыш-влак монтеш огыт колталт.
Ак – кутырен келшыме почеш.
Редакцийын да издательнын адресше:
424006, Йошкар-Ола, СССР Вооружённый Вийын 70-ше идалькыше урем, 20-шо пўрт.
Тел. 8(8362) 45-22-82(факс).

Ялем

КОНКУРС

Кажне енлан шочмо ялже эн шерге. Кеч-кушто тораште лият гынат, шочмо кундеммыш чон шупшеш. Мый Пабайнур ялыште шочынам. Тудо пеш мотор да чонлан лишыл. Мыланем тиде вершөр эн сылныла чучеш. Ялыште ен-влак ваш келшен илат, икте-весылан эре полшат. Пошкудо-шамыч пашам йоратыше улыт. Кажныжын – мотор да чапле сурт. Пöрт ончылно сылне пеледыш одарланен кушкеш. Тидыже ял уремым сöрастара. Мый ялем да пошкудем-влак дене кугешнем.

Виктория ШУБИНА.
Марий Турек район.



Шочмо
верыште м

Ульяна ФЁДОРОВА
(Марий Турек, Арбор).
Марий Турек район Лоп ял
воктемысе пүртүс лонгаште.

Игнат АЧИБАЕВ
(Советский, Кугэгер).
Кугэгер ял воктемысе
пүртүс лонгаште.



Тыште мо уто!

Тушто

Пöрт покшелне ший
ластык кеча.

640		· 1			· 3	
↓ : 8	↑ · 10		↓ + 100	↑ : 2	↓ : 60	
↓ · 7	↑ : 4		↓ : 2	↑ · 4	↓ · 1	
			↓ : 2	↑ : 5		

Мынар лектеш!



– Сергей, тый тугеже музыкальный шко-
лыш тунемаш пурынет?

– Туге.

– Тый семым шижын да колын моштет?

– Мутат уке, моштем. Сонгыра омыл, тендан дене куты-
ремыс.

Янлык-влакым кычалза.

У	Ö	Ж	К	А	К	Û
Р	Л	Ы	Ң	Д	О	Б
Э	Û	В	А	З	Л	Ь
В	Ю	Ы	Р	Ъ	Я	В
П	И	Р	Е	Й	Ф	Г
А	К	У	М	Д	Ы	Р

Аделина ПОЛУШИНА.
Советский, Öрша.

Экзаменыште Витя, Дима ден Коля түрлө задачлан чын вашмутым пуэныт. Витя ден Дима 6 задачым пырля ыштеныт. Коля ден Витя – 4 задачым. Нунын кокла гыч кө эн сай отмыкым налын?



Интернетысе сүрет-влакым
кучылтмо.



Нине ужашлам сүретыште кычалза.